

漢
魏
叢
書

二六

0
2
34



者乎而曾無一言及之何哉厥後融
以論建漸廣或以不阿九錫皆不得
其死悅獨優游以壽終其亦善處濁
世者矣其論政體無賈誼之經制而
近於酤無劉向之憤激而長於諷其
襍言等篇頗侶楊雄法言雄曲意美

新而悅無一言及於操視雄為優矣
或言悅書侶徐幹王符考其歸茲若
人之儔乎吾未知所先後也而三品
之說昌黎公有取焉其書世亦罕傳
吾蘇黃勉之好蓄異書又為之訓釋
搜討磔裂出入五經三史春秋內外

傳老莊淮南素難天官地志博洽精
密多得悅旨雖然悅之書其有所感
而為乎勉之、注豈亦有感而為乎
勉之春秋方富行將抒其學出而効
用當炳焉赫焉洙聲實於
天朝尚何悅之慕哉

正德十四年歲在己卯冬十月既望

吳郡王鏊撰

注申鑒序

荀卿五十遊齊在襄王時為老師被
譖適楚處濁世亡國亂君之間著書
數萬言而竟無所施究悲哉逮十三
世而有悅其所遭之時如卿然故托
疾隱居然不能高深丘壑至建安初

辟於掾府遷黃門侍郎時從弟或遠
守尚書令而孔融自山東徵來以是得
同侍講中禁濟經之務頗相討論但
政移曹氏天子尸居雖有嘉猷將安
用之悅恐意蘊終不得披露遂拾漢
故新事及所欲言獻替者為申鑒五篇

以奏嗚呼亦徒空言也矣厥後纂業
日開蘭凋玉玷麟囚鳳戮而悅獨晏
然保首領以沒者良以融頻寓書規
操而操軍國之事必籌於或由此戾
忤而不免也悅於見幾君子誠若有
愧然立漢遯十二年清虛沈靜未嘗

效一言於操不其賢歟不其賢歟予
嘗悲其所遭而讀其書間窺其領要
遂為之注浹旬而成共得萬四千餘
言以笥藏之雖不能無搢笱求海之
病而事可證引者亦略具矣若其浚
詞奧義譌文脫簡則俟大方君子覽

而正焉

正德己卯秋九月望吳郡黃省曾撰

申鑒卷第一

漢 潁川荀悅著

吳郡黃省曾注

明

新安程榮校

政體第一

夫道之本仁義而已矣五典以經之群籍以緯之詠
之歌之弦之舞之前鑒既明後復申之故古之聖王
其於仁義也申重而已篤序無疆謂之申鑒聖漢統
天惟宗時亮其功格宇宙粵有虎臣亂政

虎臣漢興
輔弼之臣

所與共成天功者亂治也治亂謂之亂猶時亦惟荒

治汗謂之汗也書泰誓曰予有亂臣十人

圯湮

治荒曰荒

茲洪軌儀監于三代之典王允迪厥德

迪

也功業有尚天道在爾惟帝茂止

古茂赫通用勉也

陟降膚

止萬國康止允出茲斯行遠矣立天之道曰陰與陽

立地之道曰柔與剛立人之道曰仁與義

此引易繫辭文以見

人道惟在仁義爲政者當申重之也

陰陽以統其精氣

所謂在天成象

剛柔以

品其群形

所謂在地成形

仁義以經其事業是爲道也

此三才之

道所以立也

故凡政之大經法教而已矣教者陽之化也

教者德禮之謂

法者陰之符也

法者政刑之謂

仁也者慈此者也義

也者宜此者也禮也者履此者也信也者守此者也

智也者知此者也是故好惡以章之喜怒以泄之哀

樂以恤之若乃二端不愆

二端者教與法也

五德不離

五德者仁

義禮智信也

六節不悖

六節者好惡喜怒哀樂也

則三才允序五事交

備

洪範次二曰敬用五事一曰貌二曰言三曰視四曰聽五曰思恭從明聰睿所謂交備也

百工

惟釐庶績咸熙

堯典曰允釐百工庶績咸熙注曰工官釐治庶衆績功咸皆熙廣也

天

作道皇作極

洪範次五曰建用皇極又曰惟皇作極極中也

臣作輔民作基

輔助也弼也基址也謂臣工協業民心鞏固也

惟先詰

古哲詰通用賓戲曰聖詰之治

王之

政一曰承天二曰正身三曰任賢四曰恤民五曰明

制六曰立業承天惟允正身惟常任賢惟固恤民惟

勤明制惟典立業惟敦是謂政體也致治

按漢書作政字

之

術先屏四患乃崇五政一曰僞二曰私三曰放四曰

奢僞亂俗私壞法放越軌奢敗制四者不除則政末

由行矣

按漢書矣下有夫字

俗亂則道荒雖天地不得保其性

矣

所謂天生蒸民其命匪謨靡不有初鮮克有終者也

法壞則世傾雖人主不

得守其度矣軌越則禮亡雖聖人不得全其道矣制敗

則欲肆雖四表不能充其求矣是謂四患

此僞私放奢所以爲

患而當先屏也按當時如董卓鳴鍾鼓如洛以逐君側之惡爲名而實有異志後則劫帝長安欲事成確

據天下僞莫有甚焉者卓以嚴刑脅衆睚眦之隙必報故當時法令苛刻愛憎淫刑更相被誣冤死私莫有甚焉者卓至西京乘青蓋金華車爪畫兩轡放莫有甚焉者卓築郿塢高與長安城埒積穀爲三十年儲珠玉錦綺奇玩雜物皆山崇阜積奢莫有甚焉者縱而催汜擅政曹操柄國率由一軌海內成風故悅

以爲言

興農桑以養其生

按漢書作性字

審好惡以正其俗宣

文教以章其化立武備以秉其威明賞罰以統其法

是謂五政民不畏死不可懼以罪

老子曰民不畏死奈何以死懲之

民不樂生不可觀

按漢書作勸字

以善雖使尙布五教咎繇

作士政不行焉

無死之畏法何由施無生之樂教何由立

故在上者先豐

民財以定其志帝耕籍田后桑蠶宮

月令孟春之月乃擇元辰天子

